

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 22. sjednice Općinskog vijeća Ilijaš
održane dana 25.9.2014.godine**

Ilijaš: Oktobar 2014.godine

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672



SELMA PUŠINA - vijećnica SDA

Inicijativa: "Inicijativu upućujem Kantonalnoj Direkciji za ceste, a odnosi se na postavljanje usporivača saobraćaja u ulici 126. Ilijaške brigade od Gradske džamije do zanatskog centra na Banovcu".

Obrazloženje: Na pomenutoj lokaciji nalaze se pješački prelazi, kako za Srednjoškolski centar "Nedžad Ibrišimović" tako i za Osnovnu školu "Hašim Spahić". Razlog pokretanja ove inicijative je da postoje nesavjesni vozači koji razvijaju veliku brzinu sa svojim vozilima, a rezultat takve vožnje je da su se u zadnjih 15 dana desile tri saobraćajne nesreće, na sreću, bez velikih posljedica za ljude, ali sa velikom materijalnom štetom.

Odgovor: Inicijativa je dostavljena Direkciji za puteve Kantona Sarajevo.

MARIONETA ILIĆ-JURETA – vijećnica SDP-a

Inicijativa 1: "Pokrećem inicijativu da se rezimiraju sve inicijative i pitanja i konkretno napiše šta se uradilo za gornje područje općine Ilijaš, tj. Ljubinu, Srednje, Gajeve, Crnu Rijeku i ostala mjesta i šta će se konkretno uraditi do kraja godine? Bilo je pitanja i inicijativa vezano za prevoz, rasvjetu, popravku puta, opremanje prostorija MZ Ljubina i sl".

Odgovor: Aktivnosti na rekonstrukciji infrastrukture se izvode u skladu sa Operativnim planom Općinskog Načelnika i Općinskih Službi i na kraju godine se rezimiraju sve aktivnosti i dostave Općinskom Vijeću u okviru Informacije o obnovi i rekonstrukciji infrastrukture.

AIDA MALIŠEVIĆ-vijećnica Stranke za Srednje

Pitanje: "Pokrećem inicijativu za obilježavanje naseljenih mjesta i putokaza na raskrsnicama koje vode do udaljenih sela na području cijele Općine, a naročito gornjeg kraja. Obzirom da u skorije vrijeme počinje sa radom punkt Hitne pomoći Ilijaš, bez obilježavanja naseljenih mjesta, sela i postavljanja putokaza, ekipe hitne pomoći neće moći pravovremeno stizati na adresu.

Odgovor: Projekat je započet i na važnijim raskrsnicama su urađeni putokazi u prethodnom periodu. Za nastavak projekta potrebno planirati sredstva, budžetom.

SELVER HERIĆ-vijećnik SDP-a

Pitanje: "Kada će se izvršiti krpljenje uništenog asfalta kod pošte u Srednjem od strane Pošta BiH"?

Odgovor: Pitanje je proslijeđeno JP BH Telecom Sarajevo.

ADEM EFENDIĆ-vijećnik SBB BiH ILIJAŠ

Pitanje: "Tražim od nadležne Direkcije za ceste Kantona Sarajevo da odgovori na pitanje da li JKP "Vodostan" Ilijaš ima rješenje (odobrenje ili suglasnost) na organizovanje pijace na dijelu puta Alića rampa-Mrakovo"?

Obrazloženje: Naime, na ovoj dionici se svake subote organizuje pijaca-buvljak, te na pomenutoj dionici dolazi do ometanja redovnog frekventnog saobraćaja, te samim tim dolazi do ugrožavanja bezbjednosti svih učesnika u saobraćaju.

Odgovor: Pitanje je dostavljeno Direkciji za puteve Kantona Sarajevo.

ALAN ŠERAK-vijećnik SDP-a

Pitanje: "Ko je odobrio postavljanje trafike "Duhanpromet" kod džamije u Ilijašu između dvije škole"?

Odgovor: Služba za prostorno uređenje i stambeno-komunalne poslove, na osnovu rješenja Općinskog načelnika o dodjeli lokacije, donesenog na prijedlog Komisije za prostorno uređenje, stambeno komunalne poslove i ekologiju OV-a Ilijaš, a nakon provedenog postupka javnog oglašavanja lokacije za postavljanje kioska.

Pitanje: "Ko je dozvolio da se vrši plakatiranje u staklene panoe na šetalište u centru Ilijaša"?

Odgovor: Informacioni uređaji su postavljeni u sklopu postavljanja mobilijara u pješačkoj zoni. Javnu površinu održava JKP Rad Sarajevo, sklopljen je ugovor o održavanju fontane, a pitanje održavanja i raspolaganja info uređajima nije uređeno. Služba je nametala predmetno pitanje, ali do danas isto nije riješeno.

Pitanje: "U kojoj fazi je izgradnja mosta koji treba da poveže dvije industrijske zone"?

Odgovor: Odgovor dat od strane Općinskog Načelnika na sjednici OV.

Pitanje: "Kada će biti postavljene rešetke u Malešićima na odvodnim kanalima ispred i poslije podvožnjaka kod Doma MZ-e Malešići"?

Pitanje: "Koliko vremena treba da prođe da se izvrši sanacija puta u Gornjim Malešićima? Nakon dva mjeseca, ovaj put je u opasnosti i niko ništa ne poduzima. Građani su se obraćali i u MZ-i Malešići gdje i oni ne znaju, a da stvar bude i gora, ovaj put nije ni obilježen, a kamoli saniran, te mole da se ovaj put što prije riješi kako bi građani imali bezbjednu komunikaciju i saobraćaj"?

Odgovor: Predmjerom i predračunom radova za sanaciju odrona i sanaciju puteva u MZ Malešići od 09.09.2014 godine predviđeni su predmetni radovi. Slijedi izrada ugovora o izvođenju radova, kojim će biti definisan rok izvođenja istih.

NIJAZ RASTODER-vijećnik LDS-a

Inicijativa: "Pokrećem inicijativu prema nadležnoj firmi da hitno pristupi pročišćavanju kanalizacionih slivnika u gradu".

Odgovor: Inicijativa proslijeđena JKP Vodostan Ilijaš.

AKIF BEŠLIJA-vijećnik SBB BiH ILIJAŠ

Pitanje: "Postavljam pitanje Načelniku i nadležnoj Općinskoj Službi, a vezano za ljetno održavanje puteva na cijeloj općini Ilijaš, a pogotovo na MZ Ljubina i to Ljubina-Solakovići i Ljubina-Garaže".

Obrazloženje: Obzirom da su putevi obrasli velikim rastinjem (trava i drveće), te da nema dovoljno pregleda prilikom odvijanja saobraćaja, te dolazi do, srećom, manjih udesa, potrebno je pokositi travu i drugo rastinje i staviti putne komunikacije u sigurnu prohodnost".

Odgovor: Odgovor dat od strane Općinskog Načelnika na sjednici OV.

Služba za prostorno uređenje
i stambeno komunalne poslove

126. Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672

